



*Companies House*

— *for the record* —

## TŶ'R CWMNIAU

### PWYLLGOR ARCHWILIO ARIANNOL

### CYLCH GWAITH

### 5 CHWEFROR 2001 (5 RHAGFYR 2002)

#### 1. Cyflwyniad

- 1.1 Mae Bwrdd Llywio Tŷ'r Cwmniau wedi sefydlu'r Pwyllgor Archwilio Ariannol, i gynorthwyo a chynghori'r Swyddog Cyfrifeg ar faterion archwilio ariannol a Llywodraethu Corfforaethol. Mae gwaith y Pwyllgor ar sail anweithredol.

#### 2. Amcanion

- 2.1 Cynorthwyo'r Swyddog Cyfrifeg wrth gyflawni'i rwymedigaethau archwilio ariannol a Llywodraethu Corfforaethol, drwy ddarparu fforwm i drafod materion mewnol ac allanol mewn cysylltiad ag archwilio ariannol.
- 2.2 Hybu hyder mewn systemau rheolaeth fewnol, drwy gyflwyno elfen annibynnol a chanllawiau ynghylch rheoli ariannol a rheoli mewnol arall.
- 2.3 Adolygu natur, hyd a lled, a chwmpas yr ymdriniaeth Archwilio Mewnol, a rhoi canllawiau o ran diffinio blaenoriaethau.
- 2.4 Cydgysylltu unrhyw arolygon ychwanegol drwy archwilio allanol, archwilio mewnol neu ddarparwyr ymgynghori ac archwilio eraill, ac adolygu ymatebion rheolwyr.
- 2.5 Sicrhau asesiad gwrthrychol o ddatganiadau ariannol diwedd-blwyddyn ac adroddiadau cysylltiedig, a chynghori'r Swyddog Cyfrifeg gyda golwg ar gymeradwyo'r datganiadau.

#### 3. Aelodaeth

- 3.1 **Cadeirydd** Aelod annibynnol o'r Bwrdd Llywio

#### 3.2 Aelodau

- 3.2.1 Aelod annibynnol o'r Bwrdd Llywio
- 3.2.2 Prif Weithredydd a Chofrestrydd; Swyddog Cyfrifeg
- 3.2.3 Cyfarwyddwr, FRM2, Adran Masnach a Diwydiant

### **3.3 Yn bresennol drwy wahoddiad**

- 3.3.1 Cyfarwyddwr Cyllid
- 3.3.2 Ysgrifennydd y Pwyllgor Archwilio Ariannol
- 3.3.3 Rheolwr, Archwilio Mewnol, DTI
- 3.3.4 Cyfarwyddwr, NAO a Phennaeth Ymrwymiad Mewnol

### **3.4 Cworwm**

- 3.4.1 Bydd y Pwyllgor wedi'i gyfansoddi'n briodol pan fydd dau o'r tri aelod parhaol yn bresennol, ac un o'r rheiny'n gorfod bod yn aelod annibynnol.

## **4. Amllder a lleoliad cyfarfodydd**

- 4.1 Fel arfer cynhelir cyfarfod bedair gwaith y flwyddyn ariannol. Gall cyfarfodydd o'r fath gael eu cynnal yn Llundain, Caerdydd neu Gaeredin, p'un bynnag fydd y lleoliad mwyaf cyfleus a chost-effeithiol.
- 4.2 Bydd Tŷ'r Cwmnïau yn bodloni costau teithio rhesymol a dynnir gan aelodau annibynnol.
- 4.3 Cedwir cofnodion pob cyfarfod. Caiff cofnodion eu dangos a'u cylchredeg i aelodau wneud sylwadau amdanynt a chytuno arnynt o fewn deg diwrnod gwaith i bob cyfarfod, a'u cylchredeg wedyn ymhlith aelodau'r Bwrdd Llywio.

## **5. Dyletswyddau**

- 5.1 Derbyn adroddiadau gan yr adran Archwilio Ariannol Mewnol (a chyrrff eraill sy'n darparu sicrwydd), ynghyd ag ymateb rheolwyr, o bryd i'w gilydd.
- 5.2 Trafod materion o bwys yn codi o'r adroddiadau hynny gydag unrhyw aelod o'r Pwyllgor Archwilio Ariannol (neu unrhyw berson arall), ynghyd ag ymateb rheolwyr.
- 5.3 Rhoi cymorth a chynghor i'r Swyddog Cyfrifeg ar faterion yn ymwneud â pholisi cyfrifeg, rheolaeth fewnol a Llywodraethu Corfforaethol.
- 5.4 Cyfrannu canllaw annibynnol ar reoli risgiau, rheoli a llywio ariannol, a monitro a chynghori ar fesurau a gymerir i reoli'r agweddau hynny yn unol â'r arferion gorau.
- 5.5 Ystyried y rhaglen anghenion archwilio o ran archwilwyr mewnol ac allanol fel ei gilydd, yr ymhllygiadau adnoddau sy'n codi, a ffynonellau gwasanaethau archwilio ac ymgynghori.
- 5.6 Cyflwyno adroddiad ar ei weithgareddau a'i gasgliadau i'r Bwrdd Llywio yn ôl sy'n briodol.
- 5.7 Cynghori ar ffurf a chynnwys y datganiadau ariannol blynyddol, ac adolygu'r datganiadau.
- 5.8 Gweithredu'n fan cyfeirio canolog ar gyfer archwilio mewnol, archwilio allanol a'r Swyddfa Archwilio Genedlaethol.
- 5.9 Cwrdd ag archwilwyr mewnol ac allanol yn annibynnol os gwelir bod angen.